



Inatsisartunut ilaasortaq Pele Broberg, Partii Naleraq
Inatsisartut Allattoqarfiat
/ Maani

**Aktiaateqarluni ingerlatseqatigiiffinni Namminersorlutik Oqartussanit
pigineqartuni siulersuisuni akissarsiaritinneqartut pillugit § 37
naapertorlugu apeqqummut nr. 2019/37-mut akissutit.**

24-01-2019
Suliap nr. 2019 - 1361
Allakkat nr. 9318566

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Asasara Pele Broberg,

Inatsisartut suleriaasianni § 37 naapertorlugu aktiaateqarluni
ingerlatseqatigiiffinni Namminersorlutik Oqartussanit pigineqartuni siulersuisuni
ilaasortat akissarsiaqartitaanerat pillugu Naalakkersuisunut
apeqquteqarsimavutit. Apeqqutigisatit uannit akisassanngortinneqarsimapput.

Apeqqutigineqartut ima oqaasertaqarput:

**1. Siulersuisut qanoq akissarsiaqartinneqarpat? Naalakkersuisut
ingerlatsiviit Namminersorlutik Oqartussat aqqaniittut,
akissarsiaqartitanik siulersuisullit, ingerlatsivikkaarlugit siulersuisui
ataatsimut akissarsiaasa saqqummiunnissaannut peqquneqarput.**

Akissutit:

Aktiaateqarluni ingerlatseqatigiiffinni Namminersorlutik Oqartussanit
pigineqartuni siulersuisunut akissarsiaritinneqartut tamarmiusut 13.850.00,00
kr.-inik aningaasartaqarput, matumani siulersuisuni ilaasortat
ataatsimeersuarnerni sulisuniillu toqqarneqartut ilanngukkaanni. Tullinnguuttuni
siulersuisunut akissarsiaritinneqartunut tamarmiusunut naatsorsuinerit
takutinneqarput, aktiaateqarluni ingerlatseqatigiiffinnut ataasiakkaanut
agguataarlugit.

Royal Greenland (100 pct.)	2.200.000 kr.
Royal Arctic Line A/S (100 pct.)	1.275.000 kr.
Air Greenland A/S (37,5 pct.)	1.400.000 kr.
Visit Greenland A/S (100 pct.)	425.000 kr.
Tele Greenland A/S (100 %)	1.275.000 kr.
Great Greenland A/S (100 pct.)	375.000 kr.
INI A/S (100 pct.)	1.025.000 kr.
NunaOil A/S (100 pct.)	275.000 kr.

KNI A/S (100 pct.)	1.400.000 kr.
Sikuki Nuuk Harbour A/S (100 pct.)	900.000 kr.
Greenland Oil Spill Response A/S (100 pct.)	275.000 kr.
Greenland Holding A/S (100 pct.)	900.000 kr.
Illuut A/S (100 pct.)	275.000 kr.
Kalaallit Airports A/S (100 pct.)	1.850.000 kr.

2. Namminersorlutik Oqartussat aqqani siulersuisut akissarsiaqartinneqartut tamarmiusut ataatsimoorlugit akissarsiaat katikkaanni, tamanna qanoq annertutigaa?

Akissutit:

Akissutigineqartumut apeqquut 1-imut akissutigisakka innersuussutigineqarput.

3. Naalakkersuisut qinigaaffik maanna ingerlasumi ingerlatsivinni siulersuisuutitaminnut, soorlu Sikuki Nuuk Harbour A/S-imut allanullu, akissarsiaritititik qaffannikuuat, imaluuniit qaffannissaannut pilersaaruteqarpat?

Naalakkersuisut atorfiit ingerlatsiviillu pineqartut ataasiakkaarlugit saqqummiunnissaannut peqquneqarput.

Akissutit:

Kalaallit Airport A/S-imi 2018-imi juulimi immikkut ittumik ataatsimeersuarnermi ingerlatseqatigiiffiup siulersuisuini siulittaasumut akissarsiaritinneqartut Naalakkersuisut qaffassimavaat. Taamatuttaaq Sikuki Nuuk Harbour A/S-imi immikkut ittumik ataatsimeersuortoqarsimavoq, tassanilu Naalakkersuisut aalajangerpaat akissarsianut qaffasissuseq april 2018-imi immikkut ittumik ataatsimeersuarnissaq sioqqullugu ingerlatseqatigiiffimmut atuutsinneqartoq allanngortinnagu ingerlaannassasoq. Tamanna pisimavoq juli 2018-imi siulersuisunut akissarsiaritinneqartut qaffaaffiginerisigut.

4. Inatsisartut Kukkunersuinermit Ataatsimiititaliata Naalakkersuisut peqqunikuuat siunissami sipaarniartussaanerup siuarsarneqarnissaa siunertaralugu aammalu piaaraluni piaarinaniluunniit atonerluisoqaratarsinnaanera annikinnerpaaffissaaniitinniaqqullugu. Tamanna peqqersimaarneq Namminersorlutik Oqartussat ingerlatsivigisaanni atuutsinneqarpa?

Akissutit:

Taamak aallaaviusussaq ataatsimoorfiutigitillugu apeqquut tamakkiisumik akineqarsinnaanngilaq. Ingerlatseqatigiiffiit Namminersorlutik Oqartussanit pigineqartut ingerlalluarnissaat, naammaginartumillu angusaqartarnissaat

Naalakkersuisut aallaavigivaat. Ingerlatseqatigiiffimmi atornerluisoqartarsimassappat tamanna iluarsiniarneqassasoq ilimagaara, sakkullu ingerlatseqatigiiffimmiittut Naalakkersuisuniittullu atorlugit suliarineqarluni.

Paatsoortoqannginnissaa pillugu apeqqummut tassunga akissutigineqartut apeqqummik kalaallisut allanneqartumik aallaaveqarnissaat toqqarsimavara.

5. Naalakkersuisut Inatsisartunut qinigaaffigik maanna ingerlasumi Namminersorlutik Oqartussani aningaasarsiorniartutut ingerlatsivigisatik, allatigut inuiaqatigiinnut pisussaaffeqartumik sullissisinnaanerunissamut ingerlatsivittut tulluarsarneqarnissaannut eqqaarsaatersorpat?

Akissutit:

Aktiaateqarluni ingerlatseqatigiiffiit pioreersut allatut aqutsiffigalugit allanngortinnissaannut Naalakkersuisut aalajangigassanik aalajangiinatillu suliassanik aallartitsinikuunngillat.

6. Ilaatigut Naalakkersuisut siulittaasoqarfianiit siulersuisuni akissarsiat qaffanneranut ulapinnerulersimaneq patsisaasutit ilagisimavaat. Taava Naalakkersuisut aqqani siulersuisuutitat akissarsiaqartitaasut ulapputaat annikillugaangata annertusigaangatalu akissarsiaat nikittassappat, taavalu tamanna qanoq uuttuuteqartinneqarpa?

Akissutit:

Naalakkersuisut Siulittaasuata Naalakkersuisoqarfia Kalaallit Airport A/S-imut tunngatillugu sermitsiaq.ag-mut paasissutissiisimavoq Kalaallit Airport A/S-imi siulersuisut siulittaasuannut akissarsiat qaffaaffiginerat siulersuisuni siulittaasup aningaasalersuineq sanaartortitsinerillu aqqutigalugit suliassarpassuaqalersimaneramik tunngaveqartoq, matumani aktiaateqarluni ingerlatseqatigiiffiup siulersuisuinut siulittaasup nalinginnaasumik suliarisinnaasai qaangerlugit.

Aktiaateqarluni ingerlatseqatigiiffinni Namminersorlutik Oqartussanit pigineqartuni siulersuisuni siulersuisunut akissarsiaritineqartut qaffasissusissaat ingerlatseqatigiiffiit ataatsimeersuarnerannut atatillugu aamma akissarsiaritineqartunut politikerineqartoq atuuttoq aallaavigalugu ingerlatseqatigiiffiit ataatsimeersuarnerannut atasumik Naalakkersuisuni suliarineqartuassapput.


Apequtigineqartumut allanik ilanngussassaqaanngilanga.

7. Namminersorlutik Oqartussani siulersuisusuutitat akissarsiaat, Naalakkersuisut Siulittaasoqarfiani alaffissortuisa aalajangertarpaat, imaluunniit tamassumunnga tunngasut Naalakkersuisut Siulittaasuata akisussaaffigalugit akuereqqaartarpai?

Akissutit:

Aktiaateqarluni ingerlatseqatigiiffinni Namminersorlutik Oqartussanit pigineqartuni siulersuisunut akissarsiaritinneqartut aalajangersartarnerat Naalakkersuisut aalajangiinerisigut pisarpoq, soorlu tamanna ataatsimeersuartitsisarnernut allanut atuutsinneqartoq.

Inussiarnersumik inuulluaqqusillunga



Kim Kielsen